



十二緣生祥瑞經

宋西天三藏朝散大夫試鴻臚少卿僧法大師施護奉詔譯



清刻龍藏佛說法變相圖

十二緣生祥瑞經卷上上下

同卷

則四

宋西天三藏朝散大夫試鴻臚少卿僧法大師施護奉詔譯

如是我聞一時世尊在大眾中結跏趺坐時
諸大眾恭敬圍遶瞻仰如來即於佛前而說
頌曰

則四

頂禮佛德海 真實正徧知 過去及未來

敷演緣生法 世間虛妄見 顛倒苦沉淪

煩惱業無邊 願佛為宣說

爾時眾會無量百千若人若天而白佛言今

此大眾及於未來樂聞深法惟願演說爾時

世尊告諸大眾善哉善哉應當諦聽今為汝

說諸善男子若欲了達十二緣生吉祥瑞應

謂從無明乃至老死輪轉次第於十二月各

生祥瑞而乃有異始十月乃至九月又從一

日乃至十五試於祥瑞快樂憂苦其事非一

諸善男子此十二支始從寶沙十麼洗月一
日無明二日老死三日生支四日有支五日
取支六日愛支七日受支八日觸支九日六
入十日名色十一識支十二行支

又從麼佉十麼洗月一日行支二日無明三
日老死四日生支五日有支六日取支七日
愛支八日受支九日觸支十日六入十一名
色十二識支

又從叵囉虞合二那十麼洗月一日識支二日
行支三日無明四日老死五日生支六日有
支七日取支八日愛支九日受支十日觸支
十一六入十二名色

又從載怛囉正二合麼洗月一日名色二日識
支三日行支四日無明五日老死六日生支
七日有支八日取支九日愛支十日受支十

一觸支十二六入

又從吠無每切舍佉二麼洗月一日六入二日
名色三日識支四日行支五日無明六日老
死七日生支八日有支九日取支十日愛支
十一受支十二觸支

又從唵祭瑟吒則四二合麼洗月一日觸支二
日六入三日名色四日識支五日行支六日
無明七日老死八日生支九日有支十日取
支十一愛支十二受支

又從阿引沙引姤四麼洗月一日受支二日
觸支三日六入四日名色五日識支六日行
支七日無明八日老死九日生支十日有支
十一取支十二愛支

又從室囉非合縛那五麼洗月一日愛支一
日受支三日觸支四日六入五日名色六日

識支七日行支八日無明九日老死十日生支十一有支十二取支

又從婆引捺囉合二婆捺六麼洗月一日取支

二日愛支三日受支四日觸支五日六入六

日名色七日識支八日行支九日無明十日

老死十一生支十二有支

又從阿濕縛合二喻若七麼洗月一日有支二

日取支三日愛支四日受支五日觸支六日

六入七日名色八日識支九日行支十日無

明十一老死十二生支

又從迦哩底合二迦八麼洗月一日生支二日

有支三日取支四日愛支五日受支六日觸

支七日六入八日名色九日識支十日行支

十一無明十二老死

又從麼引陵誡合二戶哩沙九麼洗月一日

老死二日生支三日有支四日取支五日愛支六日受支七日觸支八日六入九日名色十日識支十一行支十二無明每月十三亦如三日每月十四四日同之十五五日准理亦然

注云有支順轉積日逆流黑白月餘如經



于十一月一日行支

廣說

爾時世尊告諸大衆若復有人於十二支審諦觀察憶念不忘了知憂喜若無明支此日生時於第九日及第九月九年有難若非命盡快樂有財眷屬不知無病多言壽八十一卒於行日

行日生子第八日月八年有難若非命終獲大富貴兄弟惟二命長少病德行知法朋友衆多工巧藝能壽八十八卒於識日

識日生子第五日月五年有難若非命終儂則四儂勇猛恒乏財寶見者歡喜壽六十四卒於

名色則四名色日生第六日月九年十年逢於難事若

非命盡少病多冤有子短壽貧乏恐怖得後富貴愛樂惠施壽年八十卒於六入

六八日生於第五日三四月內八年十年逢於災難若非壽盡憎嫉多病貧乏勇銳愛味慳貪壽六十四觸日而卒

觸日生子第二五日三九月內九年有難若非命終疾患恒時巧言知法賊姦我見有財妒色壽六十四卒於受日

受日生子二日十日於二八月八年有難若非命終恒太居尊富貴勝善二妻多財工巧藝能壽命六十卒於愛日

愛日生子於第十日第三五月九年有難若非命盡豪富第一子孫衆多少病多冤壽六十四卒於取日

生於取日第九日內二八九月九年有難若非命盡輕慢難降朋友暴惡多積冤家為非犯戒壽六十四有日乃卒

則四

五

生於有日至第九日二月八月九年有難若非命盡貪他妻女寡睡豪族處長主軍壽命六十生支日卒

子育生支於第五日九月九年十年有難若非命盡富貴多病護國崇德壽年七十老死日卒

老死日生於第二日第九月內九年有難若非壽盡愚癡迷亂貪瞋盜賊聰慧性利眷屬和順冤家衆多壽六十四無明支卒已上比試祥瑞事訖

爾時世尊告諸大眾若復有人無明日病是夜又難應善護持第五夜差行日得病於第三日七日有難第二夜差識日得病第五日難第七夜差名色日病於第三日五日有難即於彼夜死活不定六入日病於第三日四

日有難第十夜差觸日得病第三日難第八日起恒患長命受日得病第五日難第九日第十箇月患愛日得病於第八日十日有難第十九日死活不定取日得患當日有難第十日卒有日得患至第三日九日有難恒患不差生支日患五日有難第八日起至十二日有難得差老死支患至第三日七日有難彼起得差

爾時世尊告大眾言若復有人於出行時觀十二支應知善惡無明日行東去安樂平善速迴南行諍訟獲所求事西方行時聞不可意北方得聞順美愛聲行支日出東去平善得迴無滯南去憂惱安樂得迴西去路獲豐足飲食北去平善安樂得迴識日東行途路苦辛南方行時得迴本處西行諍訟所獲虛

則四

六

耗北行獲利本處得迴名色東行吉祥富貴
南方行時百事圓滿西方行時皆遂所求北
方出行途路苦辛六入東行獲於財利南行
吉祥遂意得迴西方行時所願具足一切成
就北方行時所求皆得觸日東行財物散失
南行安樂西方行時諍訟驚怖北方速迴增
長財利受日東行憂惱驚怖過去得免南方
行時驚怖諍訟西方行時人卒聞信北方行
時獲利遂意聞信不悅受支日行東方得財
南行利寡本處速迴西方行時人卒獲信北
方遂意自在快樂取日行時東行驚怖途路
苦辛南行安樂西方行時微少怖畏北方行
時所求皆獲速迴本處有支東行辛苦怖畏
南方出行速達本處獲利遂意西方出行諸
事增長本處速達北方得利本處速迴生支

東行得財破壞南行稱意西方行時得達本
處北方獲財老死東行速疾得迴南方行時
得聞愛言西行怕怖北方行時安樂本處平
善得迴出行已訖
時諸大衆復白佛言世有盜賊云何了知爾
時世尊告大衆言若欲了知劫盜等事應當
審諦十二有支諸善男子若無明日賊來北
方財物散失舍東來入賊心毒害彼賊髮少
住處不遠至九日內決定得財行支日盜相
貌赤黃著衣故舊被盜獲罪若來東方自雪
其事若識支盜人出自舍黃赤髮少外說人
聞財物却得名色支日賊二兄弟面形髮黑
內一人醜白頭工巧至二十一財寶却得六
入日盜出於自舍形色黃赤妬惡大目近水
路來藏之舍近住處眷屬至第二日得失疑

惑財物不定觸支日盜出於自舍形長髮黑
數來歡喜癡常似哭若有諍競財物却得受
支日盜聚落中來內有一人家犬色黑至二
十日賊決定獲愛支日盜彼人西來別聚落
住形長見喜家犬足黑同人諍競談論彼人
決定非虛取支日獲取支日盜從南方來內
一人諍其事談說財決定得有支日盜從東
而來辭辯僂羅姦詐多疑自眷屬說生支日
盜三人同行二人外來一人自親速疾求之
財寶却得老死支盜從北方來形首皆脩齒
缺首白至二十五日財物却獲說賊盜竟
爾時衆會俱白佛言支分眇動其事云何佛
告大衆若復有人欲知此事應當審諦十二
緣生了知未來所有憂喜決定非虛
復有男女於無明支左目眇時父母驚怖行

支左眇有喜遂心識支左眇於所求事和合
稱意若名色支左目眇動獲於財物六入支
日左目眇時父母不悅觸支日眇必有諍論
受支日眇於所求事和合遂意於愛支日左
目眇時有骨肉來若取支日左目眇時所求
皆獲有支日眇諍論事起若生支日左目眇
動得遠音信於老死支左目眇時一切所求
和合如意
若復有人觀察十二皆悉了知於無明支右
目眇動父母驚怖於行支日右目眇時於一
切事皆獲遂意於識支日右目眇時有諍論
事於名色支右目眇時而獲新衣六入支日
右目眇時財物破散於觸支日右目眇時獲
於財物受支日眇有悲泣事愛支日眇財物
少散於取支日右目眇時多獲珍寶若有支

日右目眇時諍論失財求之却得若生支日
右目眇時或望人來若求財物希必來至於
老死支右目眇時有喜慶事和合成就目瞬
已竟

十二緣生祥瑞經卷上